

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Traité Des Fevx Artificiels Povr La Gverre, Et Povr La
Recreation**

Malthus, Francis

Paris, 1632

Preface apologetique

[urn:nbn:de:bsz:31-261629](https://nbn-resolving.org/urn:nbn:de:bsz:31-261629)

Preface Apologetique.

ENCORE que la guerre a esté autorifée de Dieu mefme de tout temps, comme font foy le vieil & nouveau Testament: neantmoins il me femble que ie veoid quelques ignorants qui me blâment, pour auoir mis en lumiere les moyens de ruynér & destruire ce que la Nature & l'Art tâchent de faire & construire: A quoy ie répons, qu'ils ont la mefme raifon de blâmer la Iustice, qui a ordonné les moyens d'exterminer les mechans; car mon intention n'est que de chercher des inuentions pour perdre & aneantir les Rebelles, pour mieux conseruer les Empires, Royaumés, & Republicques en repos; d'auantage, ie ne fais que mettre au net, & en peu de raots, ce Traité des Feux Artificiels, tant pour la Guerre, que pour la Recreation, que plusieurs cy deuant ont couché par escript confusement, avec grand danger, ayant fait des volumes entiers, & des discours tres-amples, desquels ie n'en veux blâmer aucun en particulier, & encore moins louer: Donc ne voulant faire ny l'un ny l'autre, pour n'estre point mis au nombre des mordans & médifans de ce siecle, ie passeray tous leurs noms sous silence, & feulemēt feray voir leurs erreurs en general, dautant qu'il se trouue grande quantité d'escrits sur ce fujet; aux vns vous trouuerez presque toutes fortes de drogues pour mixtions, lesquelles ne

font non plus capables de prendre feu que des pierres, ou de la terre; comme la pierre d'aymant, cristal, sel armoniac, sublimé, mercure, & tout plein d'autres semblables, lesquelles au jugement des souffleurs d'alquemie, font des mixtions de merueilleux effect, & produisent mesme la multiplication d'or, &c. Aux autres vous verrez la conjunction des materiaux combustibles, en telle sorte conjoincts & adjancez, que vous diriez que c'est plustost pour faire rire le monde, que pour seruir aux feux, soit pour la Guerre, soit pour la Recreation; comme le moyen d'empoisonner vne armée dedans vn champ, par la fumée d'vne balle artificielle: Diroit-on point que c'est vne plaisante imagination, ou qu'il faudroit que la balle fut vn peu grosse; & en apres de trouuer les mesmes ingrediens pour mixtions aux feux Recreatifs; ne seroit-ce pas encore vne industrie plus releuée de dire que les feux, la fumée desquels est assez venimeuse pour empoisonner vne armée aux champs, ou en quelque approche, font en apres propres pour brusler parmy vne grande multitude de peuple, au milieu d'vne Ville pour recreation; toutes ces impertinences, avec vn grand nombre de semblables, se trouuent imprimées en plusieurs liures, assez recents & nouveaux, les Auteurs desquels (sans doute) ont couché par escript toutes ses inuentions ridicules par ignorance, & non par malice, parquoy ils sont plus dignes de pardon que de blâme: Et ce qui me fait iuger que tous ces erreurs sont arriuez par faute de science

des Autheurs, c'est que tous les nouveaux escripts
ressemblent aux compositions & mixtions des
feux, qui semblent estre cueillis d'un vieil bou-
quin Allemand, duquel se seruoit il n'y à guieres
vn tres-celebre ingenieur; Et mesme comme ie
commençois ce petit Traité, il y en a eu quelques-
uns qui par leurs propres confessions m'ont ad-
uoüé, qu'ils mettoient du sel armoniac, vitriol,
sublimé, mercure, & plusieurs drogues sembla-
bles en la composition de leurs feux de joye, ne-
antmoins croyent estre sçauants és feux, mais le
recit de ce meslange m'a fait estonner, & ense-
mble prendre resolution de mettre la main à la plu-
me, pour faire voir au public les erreurs des an-
ciens, & les vrayes regles & mixtions qui sont re-
quises aux feux de Guerre & de Recreation, avec
quelques obseruations de Geometrie, necessaires
aux Ingenieurs qui veulent mettre en pratique
les feux de Guerre, & pour tous autres qui se veu-
lent seruir d'icelles. *Adieu.*

Traité



TR
A
C
p
br
tio
en
és



C



cete
enco